

**KOMISIJA ZA PRIPREMANJE PRIJEDLOGA ZA IZBOR U NAUČNO-NASTAVNO
ZVANJE VIŠI ASISTENT/ICA ZA PREDMETE NAUČNE OBLASTI GRAĐANSKO
PRAVO I GRAĐANSKO PROCESNO PRAVO**

**UNIVERZITET U SARAJEVU
PRAVNI FAKULTET**

Sarajevo, 25.02.2022. godine

Broj: 01-308/22
Datum: 02.03. 2022 god.

**NASTAVNO-NAUČNOM VIJEĆU PRAVNOG FAKULTETA UNIVERZITETA U
SARAJEVU**

Predmet: Izvještaj Komisije za pripremanje prijedloga za izbor u naučno-nastavno zvanje viši asistent/ica na naučnoj oblasti Građansko pravo i građansko procesno pravo

Podaci o objavljenom konkursu i formiranju komisije

a) Univerzitet u Sarajevu – Pravni fakultet, na osnovu usvojenog dinamičkog plana potreba za raspisivanjem konkursa za izbor u zvanja u akademskoj 2021/2022. godini, raspisao je konkurs za izbor/napredovanje jednog saradnika/ice u zvanje višeg asistenta/ice na predmetima naučne oblasti Građansko pravo i građansko procesno pravo. Konkurs je objavljen u dnevnom listu „Oslobođenje“ i na web-stranicama Univerziteta u Sarajevu (dalje: UNSA) i UNSA - Pravnog fakulteta (dalje: Fakultet) dana 06.01.2022. godine. U roku za podnošenje prijave na konkurs (15 dana od dana objavljivanja) prijavila se jedna kandidatkinja za izbor u zvanje višeg asistenta/ice.

b) Na osnovu člana 106. stav 3. Zakona o visokom obrazovanju Kantona Sarajevo (Službene novine Kantona Sarajevo 33/17, 35/20, 40/20, 39/21) - dalje: ZVO) Nastavno-naučno vijeće Pravnog fakulteta Univerziteta u Sarajevu je na XI sjednici održanoj 09.02.2022. godine donijelo Odluku o imenovanju Komisije za pripremanje prijedloga za izbor jednog saradnika/ice u zvanje višeg asistenta/ice na predmetima naučne oblasti Građansko pravo i građansko procesno pravo (dalje: Komisija) u sastavu:

1. Prof. dr Sanjin Omanović, redovni profesor na naučnoj oblasti Građansko pravo i građansko procesno pravo, Predsjednik
2. Prof. dr Meliha Povlakić, redovna profesorica na naučnoj oblasti Građansko pravo i građansko procesno pravo, članica
3. Prof. dr Džamna Vranić, vanredna profesorica na naučnoj oblasti Porodično pravo, članica

c) Na osnovu Odluke o imenovanju Komisije za pripremanje prijedloga za izbor broj: 01-188-1/22 od 09. 02. 2022. godine, zadatak Komisije je da podnese pisani Izvještaj sa prijedlogom Nastavno-naučnom vijeću Univerziteta u Sarajevu – Pravnog fakulteta u Sarajevu u skladu sa tekstom raspisanog konkursa u roku od 45 dana od isteka roka za podnošenje prijave na konkurs.

d) Nakon što je razmotrila prijavu i priloženu dokumentaciju prijavljene Kandidatkinje, Komisija u skladu sa odredbama članova 106. – 108. ZVO i člana 205. Statuta Univerziteta u Sarajevu iz 2018 (dalje: Statut) podnosi slijedeći

IZVJEŠTAJ

1. Prijava Kandidatkinje

Na osnovu pisane potvrde sekretarke UNSA – Pravnog fakulteta broj 01-188-2/22 od 10.02.2022. Komisija konstatuje da se na konkurs za izbor/napredovanje jednog saradnika/ice u zvanje višeg asistenta/ice na predmetima naučne oblasti Građansko pravo i građansko procesno pravo prijavila jedna Kandidatkinja, i to:

- 1) Anisa Ruhotina, MA iur.

Prijava na konkurs je zavedena pod brojem 01-105/22 od 20.01.2022. godine na protokolu UNSA – Pravnog fakulteta. Kandidatkinja je uz prijavu dostavila slijedeću dokumentaciju:

1. Biografija (*Curriculum Vitae*),
2. Uvjerenje o prepisu ocjena na III ciklusu studija,
3. Ovjerena kopija diplome o stečenoj akademskoj tituli i zvanju magistar prava i ovjerena kopija dodatka diplomi,
4. Ovjerena kopija Posebnog priznanja Zlatna značka Univerziteta u Sarajevu za I i II ciklusu studija,
5. Ovjerena kopija diplome o stečenoj akademskoj tituli i stručnom zvanju bakalaureat/bachelor prava i ovjerena kopija dodatka diplomi,
6. Ovjerena kopija Posebnog priznanja Zlatna značka Univerziteta u Sarajevu za I ciklusu studija,
7. Potvrda o radnom stažu i provedenom jednom izbornom periodu u zvanju stručnog saradnika,
8. Potvrda o angažmanu u realizaciji nastave,
9. Dokaze o angažmanu u realizaciji nastave
10. Dokaze o učešću u radu komisija Fakulteta, radnih tijala i odbora – Odluke o imenovanju (9)
11. Lista objavljenih naučnih radova od izbora u zvanje stručnog saradnika, kao i same kopije radova (7)
12. Lista radova izloženih na konferencijama od izbora u zvanje stručnog saradnika uz kopije sažetaka predmetnih radova (2)
13. Dokaz o učešću na Projektu „Presumpcija smrti u bosanskohercegovačkom i europskom pravu“ podržanom od Međunarodnog komiteta Crvenog križa (kopija ugovora o finansijskoj podršci za nezavisno naučno istraživanje)

14. Certifikat o učešću na Jean Monnete Module Language and EU Law Excellence u akademskoj 2020/2021. godini (printani primjerak elektronski izdatog certifikata koji ne podliježe ovjeri)
15. Ovjerena kopija certifikata o uspješno završenom programu cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu
16. Ovjerena kopija diplome o poznavanja engleskog jezika, nivo C1, Škola za strane jezike i informatiku Poliglot,
17. Uvjerenje o državljanstvu (original),
18. Ovjerena kopija izvod iz matične knjige rođenih.

Prijava Kandidatkinje je blagovremena i potpuna, te je Komisija u skladu sa zakonskim i statutarnim odredbama vrednovala ispunjenost uvjeta za izbor u zvanje višeg asistenta/ice za naučnu oblast Građansko pravo i građansko procesno pravo.

2. Biografski podaci, obrazovanje, stečena zvanja, zaposlenje

2.1. Biografski podaci i obrazovanje

Kandidatkinja je I i II ciklus studija završila na Univerzitetu u Sarajevu – Pravnom fakultetu, sa prosječnim ocjenama 9.83 na I ciklusu studija i 10.00 na II ciklusu studija, zbog čega je i na I i na II ciklusu studija bila odlikovana posebnim priznanjem „Zlatna značka Univerziteta u Sarajevu“. Trenutno pohađa III ciklus studija na Univerzitetu u Sarajevu – Pravnom fakultetu, Građanskopravni smjer, gdje je u dosadašnjem toku studija ostvarila prosječnu ocjenu 10.00. Dana 26. 05. 2021. uspješno je odbranila projekat doktorske disertacije pod naslovom „Zloupotreba procesnih ovlaštenja u izvršnom postupku“ pod mentorstvom prof. dr. Sanjina Omanovića, te joj je Odlukom Senata Univerziteta u Sarajevu od 29. 09. 2021. godine odobrena realizacija navedenog projekta doktorske disertacije.

2.2. Stečena znanja

Kandidatkinja odlično govori engleski jezik (nivo znanja C1), a njemačkim jezikom se služi funkcionalno.

Uspješno je završila program cjeloživotnog učenja u oblasti pedagoškog obrazovanja i jačanja kompetencija akademskog osoblja Univerziteta u Sarajevu koji se vrednuje sa 6 ECTS.

Učesnica je Jean Monnete Module Language and EU Law Excellence na Pravnom fakultetu Sveučilišta Josip Juraj Strossmayer u Osijeku u akademskoj 2020/2021. godini.

Obavila je istraživački boravak na Pravnom fakultetu Univerziteta u Beogradu u okviru projekta „Presumpcija smrti u bosanskohercegovačkom i europskom pravu“ podržanog od Međunarodnog komiteta Crvenog križa (juli 2021. godine).

2.3. Zaposlenje

Kandidatkinja je na Univerzitetu u Sarajevu – Pravni fakultet radni odnos zasnovala 16.07.2018. godine.

U skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 04. 05. 2018. godine između Službe za zapošljavanje Kantona Sarajevo i Univerziteta u Sarajevu, pored općih zakonskih uvjeta, kandidati su trebali da se nalaze u evidenciji nezaposlenih Službe za zapošljavanje Kantona Sarajevo, a prednost pri odabiru kandidata su imali dobitnici priznanja Univerziteta u Sarajevu: Zlatna, Srebrna značka, Povelja Univerziteta. Kandidat/kinja je u postupku prijema u radni odnos ostvarila 85 bodova, i bila prvoplasirana na listi¹, čime je ispunila uvjete za izbor u zvanje stručne saradnice te je zasnovala radni odnos na period od 4 godine.

3. Ocjena ispunjenosti uvjeta Kandidatkinje za izbor u naučno-nastavno zvanje viši asistent/ica

Ispunjenost uvjeta za izbor kandidata/kinje u naučno-nastavno zvanje viši asistent/ica procjenjivana je prema odredbama: članova 96. stav 1. i 180. stav 15. ZVO, članova 194. stav 1. lit. b) i člana 219. Statuta Univerziteta u Sarajevu, te člana 20. Zakona o naučnoistraživačkoj djelatnosti (Službene novine Kantona Sarajevo, broj 26/16).

3.1. Stepen drugog ciklusa studija sa najnižom prosječnom ocjenom i na prvom i na drugom ciklusu studija 8 ili 3,5

Na osnovu diplome o završetku Drugog ciklusa studija na Pravnom fakultetu Univerziteta slijedi da je Kandidatkinja prvi ciklus studija završila ocjenom 9,83, a drugi ciklus studija ocjenom 10,00, te da je za oba ciklusa studija dobila posebno priznanje Zlatna značka Univerziteta u Sarajevu.

3.2. Proveden period u zvanju asistenta

Na osnovu potvrde UNSA – Pravnog fakulteta broj 01-61/22 od 12.01.2022. i 01-61-1/22 od 20.01.2022. godine slijedi da je Kandidatkinja bila u radnom odnosu na Fakultetu u vremenskom periodu od četiri godine te da je tijekom akademskih godina 2018/19, 2019/20, 2020/21 i 2021/22 Kandidatkinja bila angažirana u realizacije nastave na predmetima naučne oblasti Građansko pravo i Građansko procesno pravo. Na taj način je Kandidatkinja provela jedan izborni period sa statusom (pravima i obavezama) asistentice iako je prijem u radni odnos vezan za zvanje stručnog saradnika/ice. Konkretnije, cijeli izborni period Kandidatkinja je u okviru 40-satne radne sedmice obavljala saradničke poslove vezane za: a) organiziranje i izvođenje vježbi i drugih praktičnih oblika nastave prvog ciklusa studija pod nadzorom

¹ Kandidat koji je imao više bodova je odustao zbog izbora u zvanje asistenta

odgovornog nastavnika na nastavnim predmetima Građansko procesno pravo I i Građansko procesno pravo II, b) pomaganje odgovornom nastavniku u organizaciji i izvođenju nastave, semestralnih provjera znanja i ispita na obaveznim i izbornim predmetima naučne oblasti Građansko pravo i građansko procesno pravo, c) vođenje evidencije vezane za praćenje i rad studenata, d) konsultacije i drugi oblici rada sa studentima, e) objavljivanje rezultata istraživanja u naučnim i stručnim publikacijama (v. 3.3.), f) rad u stručnim komisijama Fakulteta i Univerziteta, g) sudjelovanje u organizaciji naučnih, stručnih i drugih skupova, h) sudjelovanje u stručnim poslovima Fakulteta, te druge povjerene poslove.

U vezi sa tačkama f) do h) Kandidatkinja od oktobra 2018. godine do danas obnaša funkciju Sekretara Katedre građanskog prava, u vremenu od oktobra 2020. do oktobra 2021. godine obnašala je i funkciju Koordinatora II ciklusa studija ispred Katedre građanskog prava. Osim toga je bila imenovana u slijedeće komisije i radna tijela Fakulteta: a) Tim za izradu projektnog prijedloga Pravnog fakulteta za prijavu na Javni poziv za dostavljanje projektnih prijedloga u okviru zajedničkog projekta Ujedinjenih nacija (UNICEF, UNESCO, UNDP) „Dijalog za budućnost: Promovisanje društvene kohezije i raznolikosti u Bosni i Hercegovini“ za 2018. godinu, b) Komisija za evaluaciju nastave i akademskog osoblja I i II ciklusa studija u akademskoj 2018/19. godini, c) Komisija za popis stalnih sredstava, sitnog inventara i zaliha – na period od 4. 12. 2018. do 26. 12. 2018., d) Komisija za razmatranje Nacrta Pravilnika o računovodstvu i računovodstvenim politikama Univerziteta u Sarajevu – na period od 24. 12. 2018. do 7. 1. 2019., e) Komisija za evaluaciju nastave i akademskog osoblja I i II ciklusa studija u akademskoj 2019/20. godini, f) Komisija za provjeru uvjeta u pogledu završetka I ciklusa studija od 9. 10. 2019. – na period od dvije akademske godine, g) Izvršni odbor Organizacionog odbora za obilježavanje 75 godina Pravnog fakulteta Univerziteta u Sarajevu, h) Komisija za provjeru uvjeta u pogledu završetka I ciklusa studija od 13. 10. 2021. – na period od dvije akademske godine, i) Komisija za popis stalnih sredstava, sitnog inventara i zaliha – na period od 27. 12. 2021. do 31. 1. 2022. članica.

U svim navedenim komisijama i tijelima Kandidatkinja je dala vrijedan doprinos i istakla se svojom predanošću i angažmanom, a posebno se ističe njen angažman u svojstvu Sekretara Katedre građanskog prava.

U studentskim evaluacijama u akademskim godinama 2018/19 do 2021/22 je dobila pozitivne ocjene studenata za izvođenje vježbi i drugih oblika nastave.

Na osnovu obavljanja saradničkih poslova u periodu 2018. do 2022., ostvarenih prava kao i pozitivno ocijenjenog izvršavanja svih obaveza na radu i u vezi s radom u okviru djelatnosti UNSA-Pravnog fakulteta, pozitivne evaluacije studenata o izvođenju nastavnih aktivnosti, Komisija konstatuje da je vremenski period proveden u zvanju stručne saradnice u konkretnom slučaju ekvivalentan uvjetu vezanom za vremenski period proveden u zvanju asistenta u skladu sa odredbom člana 96. lit b) ZVO i 194. stava 1. lit. b) Statuta Univerziteta u Sarajevu.

3.3. Naučne, stručne i druge aktivnosti

3.3.1. Objavljeni radovi

Kandidatkinja je do sada objavila pet naučnih radova, jedan prikaz te jedan prijevod sažetaka sa naučne konferencije:

- Omanović, Sanjin i Ruhotina, Anisa. 2021. Uticaj sovjetske doktrine na rusku parnicu. *Pregled: Časopis za društvena pitanja*, god. LXII, br. 2 (maj–august): 47–59.
- Omanović, Sanjin i Ruhotina, Anisa. 2020. Mjere za suzbijanje zloupotrebe procesnih ovlaštenja u izvršnom postupku. *Godišnjak Pravnog fakulteta u Sarajevu*, god. LXIII, 487–516.
- Omanović, Sanjin i Ruhotina, Anisa. 2020. Ekonomska analiza parničnog postupka. *Pregled : časopis za društvena pitanja*, god. LXI, br. 1 (januar–april): 25–40.
- Omanović, Sanjin i Ruhotina, Anisa. 2020. HEARSAY RULE – Dokaz po čuvenju u angloameričkom pravu. *Pravo i finansije*, br. 4 (april): 11–17.
- Ruhotina, Anisa. 2019. Dostavljanje u izvršnom postupku sa posebnim osvrtom na najnovije izmjene Zakona u Republici Srpskoj. *Pravna misao : časopis za pravnu teoriju i praksu*, god. 50, br. 5–6 (maj–juni): 72–94.
- Hebib, Mirza; Pruščanović, Kanita i Ruhotina, Anisa. 2019. Prednosti alternativnog rješavanja sporova (izvještaj sa međunarodne tripartitne naučne konferencije “Prednosti alternativnog rješavanja sporova”). *Pravna misao : časopis za pravnu teoriju i praksu*, god. 50, br. 7–8 (juli–august): 103–107.
- Prijevod sa engleskog jezika, tehnička obrada i korektura za bosanski, hrvatski i srpski jezik Knjige sažetaka – Prednosti alternativnog rješavanja sporova. 2019. Univerzitet u Sarajevu – Pravni fakultet.

3.3.2. Učešće u naučno-istraživačkim projektima u kojim su sudjelovali i domaći i međunarodni stručnjaci

O navedenom učešću Kandidatkinja je podnijela slijedeće dokaze:

- Potvrda o učešću na projektu Nacionalnog centra za državne sudove (NCSC) iz SAD koji se izvodi u saradnji sa Univerzitetom u Sarajevu – Pravni fakultet "Kliničko obrazovanje za studente prava u Bosni i Hercegovini" u svojstvu koordinatorice studentske prakse na predmetu Građansko procesno pravo I u zimskom semestru akademske 2021/22. godine
- Dokaz o učešću na Projektu „Presumpcija smrti u bosanskohercegovačkom i europskom pravu“ podržanom od Međunarodnog komiteta Crvenog križa
- Certifikat o učešću na Jean Monnet Module Language and EU Law Excellence na Pravnom fakultetu Sveučilišta Josip Juraj Strossmayer u Osijeku u akademskoj 2020/2021. godini

3.3.3. Učešće na međunarodnim i domaćim skupovima sa izlaganjima/referatima

Kandidatkinja je podnijela izvještaj o učešću na slijedećim međunarodnim i domaćim skupovima:

Naučni skup: Razvoj naučnih disciplina na Pravnom fakultetu Univerziteta u Sarajevu. Sarajevo: Pravni fakultet Univerziteta u Sarajevu, 27. 9. 2021. Izlaganje na skupu: Povlakić, Meliha; Omanović, Sanjin; Bikić, Abedin; Šabić Učanbarlić, Almedina, Softić Kadenić, Darja; Ruhotina, Anisa. *Razvoj naučnih disciplina iz oblasti građansko pravo i građansko procesno pravo na Pravnom fakultetu Univerziteta u Sarajevu*. Sažetak objavljen u Knjiga sažetaka – Razvoj naučnih disciplina na Pravnom fakultetu Univerziteta u Sarajevu. 10–11. Rad je u postupku objavljivanja,

Tripartitna konferencija VIII Bosanskohercegovačko – hrvatsko – turski pravnički dani “Prednosti alternativnog rješavanja sporova”. Sarajevo u organizaciji Pravnog fakulteta Univerziteta u Sarajevu, Pravnog fakulteta Sveučilišta u Zagrebu i Pravnog fakulteta Univerziteta Istanbul, 6. 4. 2019. Ruhotina, Anisa. 2019. *Medijacija kao alternativa parničnom postupku*. U: Knjiga sažetaka – Prednosti alternativnog rješavanja sporova, 56–57.

Zaključna ocjena i prijedlog Komisije

Na konkurs za izbor jednog saradnika/ice u zvanju višeg asistenta/ice na predmetima naučne oblasti Građansko pravo i građansko procesno pravo na studijskim programima UNSA-Pravnog fakulteta, objavljenom u dnevnom listu „Oslobođenje“ od 06.01.2022. godine i internet stranicama Fakulteta i Univerziteta, prijavila se jedna Kandidatkinja Anisa Ruhotina MA iur.

Na osnovu uvida u priloženu dokumentaciju i na osnovu dokumentacije izloženih činjenica u ovom Izvještaju, Komisija jednoglasno procjenjuje da je Kandidatkinja Anisa Ruhotina, MA iur.:

- završila drugi ciklus studija (300 ECTS bodova) na Pravnom fakultetu Univerziteta u Sarajevu sa prosječnom ocjenom na prvom ciklusu 9,83 i na drugom ciklusu studija 10,00;
- u svojstvu saradnice na UNSA – Pravnom fakultetu obavljala je poslove asistentice odnosno izvodila je nastavu, konsultacije i ispite na obaveznim i izbornim predmetima naučne oblasti Građansko pravo i građansko procesno pravo u četverogodišnjem izbornom periodu od 2018. do 2022. godine;
- kao autorica i ko-autorica objavila je više radova koji po svom sadržaju te vrsti i strukturi publikacija u kojima su objavljeni odgovaraju Zakonom i Statutom utvrđenim uvjetima za naučno-istraživački rad;
- bila je učesnica u projektima u kojim su sudjelovali i domaći i međunarodni stručnjaci;
- sudjelovala je na više međunarodnih i domaćih skupova sa izlaganjima/referatima.


Iako se objavljeni radovi niti učešće u naučnim i stručnim aktivnostima, projektima i sl. ne postavljaju kao uvjet za izbor u zvanje višeg asistenta, Kandidatkinja je dostavila dokaze o objavljenim radovima, učešćima u projektima, međunarodnim skupovima i sl. Pri tome se radi o relevantnom broju radova i učešća u drugim aktivnostima, a pogotovo kada se ima u vidu da se radilo o saradniku u prvim godinama provedenim na Fakultetu. Međutim, Komisija konstatira da treba veoma pozitivno ocijeniti ne samo kvantitet radova već i njihov kvalitet. Radovi koji su podložni kategorizaciji su kategorizirani kao pregledni znanstveni radovi, a pri tome su objavljeni u uglednim i priznatim domaćim naučnim i stručnim časopisima. Radovi pokrivaju široku oblast građanskog postupka od parnice, preko izvršnog postupka do vanparničnog postupka, te široki vremenski period – od tema koje se bave historijom građanskog postupka do najsavremenijih i aktualnih, kao što su medijacija i alternativno rješavanje sporova. Navedeno svjedoči o intelektualnoj radoznalosti Kandidatkinje i dobrom poznavanju jedne široke oblasti građanskog procesnog prava. Posebno valja istaknuti odabir teme doktorske disertacije – zloupotreba prava u izvršnom postupku – kojom se sistemski niko na područjima bivše Jugoslavije nije bavio. Komisija sa zadovoljstvom ocjenjuje i da je Kandidatkinja izuzetne uspjehe na I i II ciklusu studija nastavila i na III ciklusu studija položivši sve ispite sa prosječnom ocjenom 10,00.

Na osnovu navedenog o naučno-istraživačkom angažmanu i pozitivne ocjene o ispunjavanju svih obaveza iz rada i u vezi sa radom na Fakultetu, pozitivnih studentskih evalucija, Komisija je jednoglasno procijenila da Kandidatkinja Anisa Ruhotina, MA iur. posjeduje stručne, naučno-istraživačke i pedagoške kvalitete, te da ispunjava sve tražene uvjete za izbor u naučno-nastavno zvanje više asistentice za predmete naučne oblasti Građansko pravo i građansko procesno pravo na studijskim programima Pravnog fakulteta u Sarajevu u skladu sa zakonskim i statutarnim odredbama.

P r i j e d l o g :

Na osnovu prethodno navedenog, Komisija predlaže da se Kandidatkinja Anisa Ruhotina, MA iur. izabere u naučno-nastavno zvanje više asistentice za naučnu oblast Građansko pravo i građansko procesno pravo.


KOMISIJA



Prof. dr Sanjin Omanović



Prof. dr Meliha Povlakić



Prof. dr Džamna Vranić